

SONNEN

Sonnen er souben dré leah

Più nen des chet ahoel kleuet konz ag er soñnen-men ? En ton anehi, merchet get ur muzikour dispar, en E. Bourgault-Ducoudray (ur Breihad) en des groeil tro er bed hag é pep léh é ma kavet kaer, biskoah kementral. Er honzeu nen dint ket drouk anehé eüé.

Er honzeu e lakamb ama e zou bet keméret lod é kosté Ploué, lod aral é kosté Baud. Lakeit em es ind en ur lod hag elsé, é kav genein, é ma braueit en treu. En ton e zou a Bloué.

Mar des émesk lénerion pé lénérézed Dihunamb ré hag e houer pozieu aral, me houiou gradral dehé mar ou hasant d'ein. Lakeit e veint ar en dastumaden.

Él ma houier, guéharal é vezé chervijet souben leah a kement fest e vezé hag é vezé kañnet er soñnen-men. Mat e vehé d'er ré iouank derhel d'er mod-sé ha derhel eüé d'er soñnen-men : treu sord-men e hra inour d'er Vretoned.

L. H

Nen domb ket deit du men eit go-
 bér jabl de zén eit gobér jabl de
 zén Rak kent do - net du men
 hun es dè - bret hun hoén Rak
 ken do - net du - men hun es dè - bret hun
 hoén.

— 88 —

I

Nen domb ket deit dumen eit gobér jabl de zén
Rak kent donet dumen hun es débret hur hoén.

II

Deit omb de gonforteïn ur galon glaharet
Kalon ur plah iouank noz ketan hé éred.

III

Mar soñnet, sonnerion, soñnet dousik ha skan,
Ma er souben dré leah é vonet ar en tan.

IV

Mar soñnet, soñnerion, soñnet menut ha gé
Ma er souben dré leah e vont ar en trepé.

V

Er gansortéz tostan e rouz en amonen
Hag er hansort tostan e hé (1) ag er souben.

VI

Mar soñnet, soñnerion, soñnet hui deu ha deu
Ma er souben dré leah é vont ar en trezeu.

VII

Mar soñnet, soñnerion, soñnet menut ha stank
Ma er souben dré leah é vonet ar er bank.

VIII

Mar soñnet, soñnerion, soñnet menut ha gé
Ma er souben dré leah é vonet ér gulé.

IX

Sañet, deu zén iouank, na sañet hui hou pen
Keméret bep a loé ha tañoeit er souben.

X

' Hetan tam anehi vou d'er Huerhiéz Vari
En eil tam anehi vou d'hou pried ha hui.

XI

' Drivet tam anehi vou d'hou tad ha d'hou mam
En des bet hou maget hag hou miret divlam.

XII

' Bearvet tam anehi vou d'hou prér ha d'hou hoér
En des bet hou karet étre ma oeh ér gér.

(1) Hécin = tranpein.

— 89 —

XIII

' Bempvet tam anehi vou d'hou iondr ha moéreb
Hag e hré joé dohoh a p'en deh d'ou guélet.

XIV

' Huéhvet tam anehi e vou d'hou amieu
E zou deit a bep tu de soñnein d'oh hou teu.

XV

Chifet en dén iouank ! durheit doh er planken,
Ha touiet mat en des ne zistroei birüiken.

XVI

Taüet, dénig iouank, arrestet hou tareu
Ken ' vou disternet koén ha lahet er goleu.

XVII

Ken ' vou disternet koén ha lahet er goleu
Marsen en deu zén iouank e zistroei hoah ou deu.

XVIII

Soñnet hui soñnerion, soñnet menut ha gé
D'inouerein er plah iouank, chifet én hé gulé.

XIX

D'inouerein er plah iouank, chifet én hé gulé
Balamor d'en taput e gas en dud dehé.

XX

Taüet, taüet, plah iouank, arestet hou tareu
Ken ' vou disternet koén ha lahet er goleu.

XXI

Ken ' vou disternet koén ha lahet er goleu,
Marsé nezén ahoel um réjociseint ou deu

XXII

Soñnet hui, soñnerion, soñnet menut ha gé
D'inouerein en dud iouank kousket én ou gulé.

XXIII

Mal e vou d'emb bremen um dennein a kosté
Lezel en deu bried kousket ' n ou haranté.

